



October tha apat in thodawk talo in a hung zawngkhal hiai hiai a, Date 21.11.2020 Kiginni zingkal alm 5:30 AM in a ngainat ma ma a insung mite leh Kochuamte nusia in Kumtuang gam eila zawt san tai. Ziangkal 10:30 AM in in mun ah thakdawna Pro-Pastor Lallunglian Vaiphei in a nei a, Vuiliamna 11:30 AM in Biakin ah Rev. Nicky Lalremmawia, Moderator Lamka South Presbytery in a nei hi. Upa HT. Thanga, Assistant Secretary in a chanchin chawmkim taklatna a nei bawk hi. Thanmuanna Thu genna Rev. Lalremliana Colney in a mang a, Rev. Ngurthanmawia Sailo, Moderator Elect, i/c Panglian Pastor Bial in than ah vuina hun a mang hi.

Lalpan lusun insung mite Thamuan in umpi zing ta hen.

Report Petu
Upa HT Thanga
Assistant Secretary, Lingsiphai MPC

Editorial



Kingaitawm ah gan ankuang ah hung lum i Lalpa'u Jesu Khrista min in Khrismas chibai!
I gamsung ah hipi len zia leh haksatna tamtakin ei buakkhum ah tukum Khrismas hi i mang thei na diam ti chu mi lunggel thei deu zosian abuaipi ahi. Maleh hun te a hung chia zel ah kochuam tamtak chun luaithena um thei loin lengkhawpna umtheilo maleh kikhawpna bek mat guat ding ahi ti ah program siam te, khenkhat chu aumna mun zil ua tukum chu mani immun chiat ah mang mai hi tiu ti pawl aum lai un; kum dang gual ah Khrismas luai tawh lim tak ah mang thei ding pawl le um ah hiat ahia, lungdam aum tak zet hi.

Khrismas mang masa pen pen te a pat tuni tiang ah Khrismas mang tute i et a hileh, mi kingaitawm te man zia hun ahin malzawlina a dawng zel sek uh hin a lang hi. Pathian in ei malzawlinate ki suanpi ah Khrismas hi lawsam tak ah matzaw thei ahi. A hung piang Lal Jesu hin kingaitawm takin **“gan ankuang”** ahung tel ah, Van Seraphim lapawl lopi pen te khan Bethlehem daipam ah **“belampute platform”** kha ahung tel kit ua; belampute khanle nausen piang masang akhan **“khupbawk”** ah Pathian biak a tel ua, khawsak lam apat hung michingte khanle a gothil teu a itlo bep uh hiloin belampute khupdinna mun tho akhan **“khupbawk”** in chibai abuk ui.

Tuchung Khrismas ahin nausen Jesu masang ah **kingaitawm a chibai** i buk theina ding ah daltu umthei zosia paitha tiam hi tiu. Mun sang zaw ahem platform sang zaw delloin, nidang ah ila bawl dan pangai sang ah Pathian mitmu kingaitawm zaw hinkhua mat dingdan ngaitua hi tin, miniampen ah ngai belampute bawl gual bawl angai inle tawmin lak da hi tiu. Tichun sungkuan ah Khrismas zal ah malzawlina i dawn tampen kum uh hi dingin Lalpan **kingaitawmna** lungthim hung pia hen la, mal hungsawm chiat tau hen.

-Editor

NAUPIANG CHIBAI BUK HITIU

Mathai 2: 10-11

*-Rev. Malakiah Lalnunfela
i/c Mata Pastor Bial*

Upa K. Roseia thugen pakhat ka hiatzing sek chuh, Pa khawsa thei tak khat hi Dec 24 ni nitak lam chun khawlai a va leng a, bazaar kai gua a hi pua va vak kual mai mai a hi. Bazar ah chun pitek pakhat tuisuakna (no) zuak hi a mu', a taisan thei ta puai. Pitek kiang ah chun numei naupang a tunu ding ah kilawm tak hi a kichu, Khristmas â dingah thil thak nei kinem tak gual in, tuisuakna zawkna a pat chawk ding hileh kilawm tak a hi. Ziaphatchun Pa Pakhat chun bangzat man a hi em ti'n a dawng a, cheng 15 hun tia. Ziaphatchun ziapa chun a sum bawm, (Pa haus a tak himaleh, khawlai vak vel mai mai a hi ziakin sum tamtak a chawi pua) chu a en a, cheng zanga in chawkpiaq ding a gaw tai. Pitek kipak talua chu a nuk a bing a, sum chu a la theilo hial a, Pa pakhat zawk chule a nuk a bing bawk hi. Midangte â dingah malzawl na hina mun ah hin Khristmas chu a tung tai.

1. Mi pilte kha kisengso in naupiang chibai a buk ui

Ei uh le midang te â ding ah pia dingte i hi puau a hem. Mani kiphungvuk nan mang lo in, midang â dingin pia leu hin, kipak ngei hitiu.

Sana- Lal (Tawmna-Pathian mihing hung chang) Lal hi maleh Gan an piakna tiang ah a hung piang a, a tawm khawpmai. Tawmna: Van taksa nusia in khawvel dingin mihing ah a hung chang a. Pathian hina lipthâ'n mihing thuam a



UPA KAMKHOLAM, KUM 78 CHANCHIN CHAWMKIM



Upa Kamkholam hi famta Pu Siakkhup leh Pi Chongneikim chate lak ah 5na, a neupen a hi. Kum 1942 in K. Tonglon Khawmunlui in a piang a, Kum 1957 in Pastor Khupkholal khut in Baptisma a la chang hi. Kum 1960-1969 sung Assam Regiment a la pang hi.

Kum 1967 in Pi Damkhonei tawh Pastor Khupkholal in pindan in a la kicheng sak hi. 1981 kum in K. Tonglon khua ah kocuham upa hi ding in teltin in a um a, zia kum ma a chun Saipum KSP Biakin ah Khawmpina in Upa Thongpu khut in Ordination a la chang hi. Chun Kum 1995 – 1997 sung a khan kochuam Chairman in a la pang a, 1998 kum in nam kal buaina ziaq in Lingsiphai khuan a hung chenglut hi. Kum 2001-2004 sung a khan a K. Tonglon EOC(P) Kochuam Chairman in a la kit a, taksa hatlona ziaq in 2005 kum in a chate a hung bel suk kit hi.

Lingsiphai MPCS Kochuam ah a hung umkit apat in taksa hatlona ziaq in Kochuam ah duthusam gualin a kimang zo tapua, a hinlah Kochuam ah a sepkhawmpite thei dan dan ah panpitu leh tawsawttu in a pang zing hi. Chun Pathian a pat mazawl na gochan chapa 7 leh chanu 4 a nei a. Tû25, Pawsal 10 leh Numei 15 leh tusawn 9, Pawsal 5 leh numei 4 a mu malam hi. April 2020 a pat khan zuigui lam (Urinary track infection) a hung nei ah, natna hi leng ziaq in Imphal lam ah dawigual in a kietsak thei pua, Lamka Doctor thiam chuam chuam kietkol sak in a la um hi.

Pastor leh Pro Pastorte kichawn lumlet dan dan chu zia gual hi ahi:

<i>Sl. No. leh Min</i>	<i>Tu ah umna</i>	<i>Umna ding</i>
(1) Rev. K. Jama Vaiphei	Leilon Bial	Lamka Bial
(2) Rev. Kanga	Lamka Bial	Minister at large
<i>(AS kaibuaina in sem ina)</i>		
(3) Rev. Thianganlim	Phailianbung Bial	S. Munnuam <i>Bialthak</i>
(4) Thangliansang	Tungkyo	Kalemyo
(5) Rev. Zuankhomang	Kalemyo	Tungkyo
(6) Rev. Thangneipau	Imphal Bial	Panglian Bial
(7) Rev. Ngurthanmawia	Panglian Bial	Imphal Bial
(8) Rev. Lalpiaklian	ATC Mth. Zil	D. Khawzim Bial
(9) Rev. Hesei Vaiphei	Area Office	Leilon Pastor Bial
(10) Rev. Khaisonthang	ATC Mth. Zil	Kawlhen Bial
(11) Rev. Ph. Thianneilal	Kawlhen Bial	ATC Mth. Zil ding
(12) Rev. Siamlaron	New Lamka Bial	Phailianbung
(13) P/P Khuplemlal	Leijangphai Bial	Lamka Bial
(14) P/P Minthianboi	B. Tuallian	Kawlhen Bial

hun bel a. Kumtuang hinna i nei thei na'n ama leh ama a hung kisutawm a hi.

Begaw- Thiampu in Gimtui a hal sek. Pathian biak ding phatleh a hal sek. Thiampu hina a etsak hi. (Lemna) Chamna: Pathian leh mihing kichamna, Ei un le kichampi lo i nei uh chun kicham/Kilem hitiu. Ngaidam dawt a ngai chun dawn hitiu.

Murra- Mithi luang a nu sek uh a hia, Jesu thina a etsak(Hukdamna-kiptakna). Kiptakna: Khawvel ding ah kiptakna a hi. Midang dingah malzawlna hi dingin Khristmas ah hin Kiptakna lungthim kilan thak hitiu.

Mipilten chibai a buk uh hi Lal, Thiampu leh Hukdamtu a hi. Lam gamla tak apat in chibai buk dingin a hung kuan uh a hi. Mipilte hin thilpiak hi a pawimaw pen in a ngai

puau, a tup leh dawit pen uh chu nau hung piang Lal thak kha mu ah chibai buk a hi. A thilpiak ken teu hin a lungthim uh le sulang thei in a.

2. Ei un le thilpiak tawh chibai buk hitiu

Mipilte hin a gobawm uh hawng in chibai a buk u'i. Ei un le chibai i buk ding uh a hi. Lal Jesu chun zia gual mite chungah la bawl uh hi ka chungah la bawl uh a hi a ti kha. Naupiang chibai buk nan thilpiak pia'i ti'u. I gam ah hin khawsak dan a kikak khawpmai a, khenkhat chu nisin nekkawm hawl i hi zing lai in, khenkhat chun nek senlo a nei u'i. Khristmas hi Lal Jesu ei â dingah kiptakna hun kipakum a hi'a, ei un le thilpiak mangin chibai i buk ding uh hilo a hem! Nek ding tui tam tak tak i nei lai hin, i kim i kiangah nekding nei mumal lo a um em? Nu leh Pa khenkhat

lungthim gimna mama sek chu, Khristmas la in sumlawna ding a um sek pua, Khristmas thawlawm leh sum matna dang dang a tam sek bawk a, genthei tak in hung a mang zing sek u'i. Khristmas luaithena ding ah thawlawm thaw theilo a um em, ziate chu I thawkep ding uh a hi. Midangte â dingah malzawl na hi dingah kal i suan hin Pathian nasem i hi'u.

Tukum vang vang hi Covid-19 ziakin i buai a, nek leh chak hawl na ah te, naupang school kaina ah te, Pathian nasepna kawng chuam chuam ah te leh taksa hiselna thu ah te kum dang gual a hithei puai. Ziate haw zia ah hin i kimvel ah haksatna tuak a um em tin gaitua in, midangte â dingah malzawl na hi thei dingin i lungthim uh siamthak hiti'u. Zia gual ma chun zia kipanpi tuana hi Pathian lopina bep hi henla, midang

pakchat law kineppina a pan leh chu Pathian lopi puantin, chibai bukna thilpiak hithei puan a. Phut kit neilo, pakchat law lo, Pathian lopina bep in kisengso leu hin, midangte â dingah malzawl na hi dingin i thinlung tak in, thilpiak mangin naupiang chibai buk hiti'u.



2021 ah Pension ah pawt ding: Upa Kh. Khupa, Peon, Manipur Area Office

Namdet thak: Pro. Pastor Siamlalron of New Lamka Bial chu Pastor ding ah namdet ahi tai.

Pro.Pastor Lakthak: Mr. Minthianboi of B. Tuallian, BA. BD. chu Pro. Pastor ding ah lak thak ahi.

Pastor Bial hawn thak: Lamka South Presbytery huapsung ah Mata Pastor Bial leh New Lamka Bial apat S. Munnuam Pastor Bial siam ahi:

S. Munnuam Pastor Bial ah um ding te

1) S. Munnuam Station	294
2) Sumtukphai	66
3) Canal Veng	106
4) V. Khawnuam BC	53

Total 519

Mata Pastor Bial ah umzui ding te

1) Mata Vengpi Station	195
2) Mata Vengthak	181
3) Lingsiphai	379
4) Buallian	124
Total	902

New Lamka Bial ah umzui ding te

1) New Lamka Station	444
2) Gangpimual	495
3) V. Khawnuam	74
4) Bethlehem	49
5) G. Mualkawi	18
Total	1080

November – December 2020

1. Kum 2020 chu hipi leng tawh mangzo ding in i um ta, Area Office lam le Dec. 18 ah account closed hin tin, Dec 21, 2020 apat January 5, 2021 sung Khrismas chawl mangin; January 6, 2021 Nilaini leh Office hawn pat kit hi ding ahi.
2. **Lekhabu chawk thei te:** Nilai leh Beigual thupi 2021 Rev. S. Khaikholam in a zik chu ₹ 80/- ah chawk thei hin tin, Piting SS Zillai Bu Rev. Lazuithanga zik hi ₹ 100/- man hi in, Manipur Area Calendar hi ₹ 20/- man ding ahi.
3. Dec 17, 2020 (Ningani) in Office gari Bolero zawkdawna auction fel takin nei ahi.
4. December 19, 2020 (Kiginni) in Office Staff lak ah Upa Kh. Khupa Peon hi kum 2021 apat pension ta ding ahi tawh kitawnin Staff ten thakna a nei tau hi.
5. **Synod Kikhawmpi '97:** Hipi ziakin Synod Kikhawmpi 2020 chu Dawrpui Presbyterian Kochuam Biakin ah December 8-11, 2020 Mizoram sung ah mi member 300 vel bep huap ah guanggal ahi. Mizoram pawlam ah member te him him chu panglo zaw ding ah hiatsak a hi. Zia hun ahin Rev. C. Lalhrila Moderator hiin, Moderator elect chu Rev. Vanlalnghaka Ralte ahi. Synod Kikhawmpi '98 hi Dec. 1-12, 2021 sungin Republic Veng Kochuam Biakin ah mat hi ding ahi. Synod Kikhawmpi vaihawmna apat Manipur Area ah thu pawimaw hiat ding khenkhat:

MARY LEH JOSEPH TE HI NANG HILE CHIN ?

(Luka 1: 28-38; Mathai 1:20; Isai 9: 1-2).

*Rev. K. Jama Vaiphei
i/c Leilon Pastor Bial*

Khawvela damlo na hisia lengvel ziang lakpi hi Khrismas gal thil thei a mitamzaw Lalpa'n damna leh bitna eipiak zia in kipak aum tak zet hi. Gintu numei zosia leh pawsal zosia hi Mary leh Josheph hidi nuamlo hi kitawm maithei ahi. Tu dinmun di zosia mulawksa hileu chu amau le kithalawp maithei ahiu. Himaleh, Vansawlchak in akiang ua thu agente bakkha bangma hetsa leh mulawk anei puaua, ginnan a mawpuaknau kha apawm gel ua, a maban chu atiam tiama Pathian puinan akinga tawp mai ui. Ei hile hin bangtin i um diam?

MARY- A numei zaw hisapna 'pawsal la ka nei paw hilehle ama hi Vansawchak ngala' ti hi 'pawsal la kanei in akimupi masak ahi nai pua' tinan le ngaithei in zia in Mary dinmun a. Hileh le Vansawlchak in a vak ngaitua khawm hithei di dan mathematics/ masai tiu." Lalpa Suaknu method di a genchian phat kahi , la thu gualgual in khan...hilehle... ti um talo kachunga tungta hen" in a pawm mai hi. Ei haw Luka 1: 38. Vansawlchak hi 'HILEHLE' ti ti ching a umhi ti hesa chu hingei namte i hi'u.

JOSEPH- Zia khawvel a ma enkawltu dinga Pathian atel Apa di kiang a hin le a lima Vansawlchak va kilak pai hi leh chu ama

le lungbuailo maithei maw? Aki ngaitua buai ten nunga aguka haisan mai ding ahem ati hial phata khan Vansawlchak in a va hilchian piak tai. Pathian bangkim lungthima i ngaituanate haw nasan hetu (Omniscient) a hina a kilatna ahi (Mathai 1: 20). Vansawlchak in a kianga a gen kha bangma ngaithele neilo in lungmin tak in a Zi ding in Mary chu ava kipui hen, himaleh Mary'n chapa ahin masia a luppi puai ti bible in agen hi (Mathai 1: 24- 25). Nupan kicheng thak giakkhawm hakpen himaithei in au. Pathian chapa hial mihing hungsuak enkhawl piting ding chun lungthim hawi khautak (strong moral character) anei ngei mai hi. Têl tak mawng a hi. I Lalpau Jesu nasep patnung leh Khraws ah khetden leh athawkit nungtiang Joshep chanchin chu gen kit hitalo maleh Mary leh Joshep in ahin belap teu Lalpa Jesu

suapite min vang gen lat in a um u'i.

Amau tegel hi thuthunglui ah Messiah hung pian di thu Isai, Mika, Malaki, Zechariah vela kigen haw taksang mi chu hingei in au ti ginchak a um hi. Himaleh amau tegel khel khel a part la pang in au tivang a kiginchak diu taksan aum puai. Pathian tel a hui ti a kihet nung unle thil umjel di dan akip-a-kawi in helo maleu a kipelut tawp mai ui. Ei uh haw mang ahin le...Pathian in kochuam leh khawtang in na lian leh neu tam tak asem nuam sek hi. Himaleh ginlanate, kipiakzawlo nate, lungthim taknate, khawvel thangainate leh a dang dang jak in i pan nawplona, I chianawplona , i kiphallona teu jak in Pathian leh kochuam in ei matphatchuam digual in eimang thei seklo a hi. Chairman, secretary, treasurer, finance secretary,

lai in a la he kha laizang a. Mipil leh vervek tak Bighthana leh Teeres, lal pindan vengtu ngei ngei chu matdaw ah gawt ahi tau. I bil i dawthiam ual eh lauuum nai zia hei tin uh, i mitua i thil thiam ualeh i masang ua lauuum kikhang hi muthei hi tiu.

Zia FCRA Bill hi le lal pindan vengtu gual ah vaihawmtu leh vaihawmna nai cha um BJP pilvelvekna ahi. Thil diklo thipsan mailo ah mala ngam dingin Mordekai hin ei zilsak ahi ti hian i martar hangsan Graham Staines thasik ah ding ngam gua hi tiu.

K h r i s t i a n t e kipumkhat in malam suan hi tiu, kithutuakin melma dogal pakhat eisumangthei vek theitu bei hi tiu,il zawzel theina ding un Lal Jesu kiang in panpina dawn bawh hi tiu.

*Khristian chingthei in in
chian lauuum a nai,
Zia lei khawvel ah la len
sung ahin;
Setantheppnan la kiangvel a
dap hi,
Setan zawna din Lalpa
kiang'h dawnin;
Khristian chingthei in in
chian lauuum a nai.*

*[Zia article ziaktu
hi Mizoram Presbyterian
Kochuam ah Minister semlai
Mission Veng kochuam ah
um ahi]*



chu “FCRA account” State Bank of India, New Delhi- ah bep a lutsek ta ding a hi. Foreign apat ah panpina beplo chu zia account ahin sunlut phal ahi ta puai.

A ma ah paisa kikhawl khawm 50% mat thei hi sek kha 20% ah limit siam ahi. A limit siam ahi tak ziakin panpina mang ah nasepna nei sek tam tak a ding a chun haksatna lianpi tuntu hi ding ahi.

Malsak State a Khristian dindaw theina ziaak hile tutiang ahin foreign panpina ziaak liau liau ahi ti ah ngai thei ahi.

Prime Minister lui Atal Bihari Vajpayee (L) khan Graham Stainest hina kha a zachakum khawpmai tiin Supreme Court Justice D P Wadhwa kaihuai in

CBI a sui chian sak ngal vat vat ahi kha. Khati hun ah President K.R. Narayanan (L) chun “channa nasa leh lungsiatum I dawtheinau leh thamuanna ei fiatu, khawvel mangsia a sim zing tak ding han sia ahi” a ti hial kha a ahia.

A m a v a n g c h u , Wadhwa kaihuaina a zilchianna khan Dara Singh kha Bajrang Dal puitu ahi thu hechian ten maleh Bajrang Dal, RSS ahem BJP kigawl khakna a kihiatlo sak tei tei hi.

Kum 21 a liamnung, tuah BJP sawlkar khawsak sutzawp dan hin thil kiselgu zosia a hung phawldawk zeng zung tau ahi!

Mordekaia khan a lalpa Ahasuera thaguatna phialgukna kha lal kawtkhak bul ah a chut

member, committee member i hina chiat uh taima tak in sem hitiu. Bangma i panlo lai tak in le Kikhawp, pauchap leh thilpiak, mipanpi a dang dang haisan/ kithada lo in pang hitiu. Belcha phul gual Khristian hi gaw da hi tiu.

Thatnawp vanglak leh nasa ma ma kithada vanglak leh uitui dai a dai kit zianglo in, CHIAZING HITIU AW ZION CHATE ti la I sak gual un. Joshep leh Mary khan le Lal Jesu nu leh pa dinmun a mawpuaknau a hin haksatna gentheina mualphona tam tak ala tuak ngei in nau, himaleh zia zosia chu a thawk mualsua jiaak un Khristmas sin leh a chanchin uh genlo in i um theilo uh ahi. Zebulun leh Napthali gamte le Lal Jesu hung masang in gam killkawi leh gentile tawh kichawk pawl ti ah simmaw himaleu Mary leh Joshep gual in Lal Jesu

seiletna Nazareth, thilmak abawl masak na Cana khua in ahung pang ua bible hun lai leh tuni tianga mi tamtak tawna khua sum leh pai luanlutna ahi tau.

Chanchinpha zala mi poimaw, nam poimaw, khawpoimaw, gam poimaw I hi zawmzel theina ding un panla zawm thei din, Nam poimaw, khaw poimaw, gam poimaw i hi zawmzel theina ding un panla zawm thei din

Lalpan athu ei malsawm piak ta hen!



MIN DANG ZOSIA SANG AH HAWIPEN LAL JESU

(Isai 9:6)

-Rev. Khupneithang.

Jawlnei Isai in i Lalpa Jesu pian masang in zia gual ahin a lagen ah “*Ei u a dingin nausen hung piang in... a min in, Lamdang mak, lemguattu, Pathian hat, Kumtuang Pa leh Chamnat sak ahi*”, tin a la gen lawk ah. Tukum hi i hiathiat tak gual un Covid19 zia ahin Biak In leh Hall ah kikhawpna mipiten kum dang gual in i mang khawm dup dup thei lo uh ahi thei ah.

Himaleh gingtute i vangphat nau chu la phuaktu ten Jesu nei hinna nuam kipakna thu guk chu ka thagau muanna ei piai. Jesu nei chitna bulpi, Jesu nei hauna bukim. Jesu nei chu khawvel tawh kikhenna. Chuleh khawvel ahin lal tam tak a piang ta hen, maleh Lal Khrista gual hi a piang nai puai titen la in ala phuak ua.

1. Lamdang/mak: Jn.1: 1-3,4,9,14,16,17,29.

Atil in thu a um a. Thu chu Pathian tawh um ahiau. Thu chu Pathian ahi... bangkim a leng in ama zia ah siam ahi, thilsiam ama siam lo bangma a um

puia. Ama ah chun hinna a um in, zia hinna chu mihingte vakna ahi. Vak diktak, mitin salvak ding chu khawvel ah hung ahi. Tichun Thu chu taksa'n a hung chang a, I lak un a hung cheng ah. Pathian Chapa changkhat neisun lopina chu ahina gual tak in hepina leh thutak ah dim in i la mu ah.

Ama bukimna kipat in hepina chung ah hepi sawnna i chang chiat ui. Mosi mang in dan thupiak ahin, himaleh hepina leh thutak chu Jesu Khrista ah chun a hung um tai. “Entiam un Pathian Belamno, Khawvel gitlo

1980 Maharashtra cadre) chu Minister of State; Ministry, Human Resource Development leh Minister of State; Ministry of Water Resources, River Development leh Ganga Rejuvenation dingin Prime Minister Narendra Modi chun a guat a.

September ni 21, 2020 khan Lok Sabha a Parliament a FCRA Bill (Foreign Contribution (Regulation) Amendment Bill 2020) passed ngei a hi thei nan paukam duh tui umlo zet zet a sek dawk hi.

June ni 2, 2014 a Mumbai Police ten Mumbai-a a in chu nawhchi zawkna mun a hi ti a mudawk u khan, martar hangsan Graham Staines chu zuauin mi 30 hial pawngsualtu, mi tenum tak tiin zalo tak in a gensia a hi.

India gam a Khristiante kilunggualna thûk tak nei thei dingin a cho dawk zodiac aw? Graham Staines a la tha vang humbit piaktu pakhat AJ Philip, Deepaya President, senoir journalist leh columnist ‘The Tribune’, ‘Indian Express’, ‘Hindustan Times’, ‘Indian Currents’, ‘Oman Tribune leh ‘New Indian Express’ a thu zia sek chun na takin Satya Pal Singh chu Dara Singh min dik tak Rabindra Pal Singh a hi gual man ‘Pal’ kiti gel gel chu insung khat; a thiam zawk thiamlo zaw a lat sak gaw ham gualin a ngaw hial a hi kha.

India gam mun chuam chuam ah Khristian te nechep ah a um theina ding ah zia bill hi malakna pil tak a ting a hi. Zia Bill zia ah hin foreign panpina

FCRA Bill

Rev. Vanlal Ngeiha

“Lengpa kotbul ah Mordekai a kichut zing lai a chun, Lengpa pindan vengte lak ah pani Bigthan leh Teresh, a huang sungvengte chu a lungnat ziakun Lengpa Ahasueras a gukah thalup ding vai a sawm tau a” (Esther 2:21).

January ni 22, 1999 zan kha India gam ah Khristian te mangsiat zan hi kumkhua tan a. Australia missionary Graham Stewart Staines leh a chapa pani Timothy Harold Staines leh Philip Graham Staines chu Manoharpur, Keonjhar District (Odisha) khua ah a I mut kalun Dara Singh (Rabindra Kumar Pal) leh alawite chun pawt theilo in a gari sung un a a khak khum ua, huaise tak in a hingsan in a gari pumun a hal tau a hikha.

Orissa mai hilo India gam mun chuam chuam Khristian ngai theilona leh sukgentheina in a sunzawm zui ngal a hi a kha. Kha ti lai vel ah ginna ah din det ti kha chu a lu zuak tina taw bangdeu ah ngai hial ahi. Graham Staines lawinu Gladys Staines chun a pau nasepna chu sun zawmzel in phâktam takte a ding ah nu leh sudamtu leh gualpha ahi ziak in kum 2005 khan Padma Shri chawihawina hial piak a hi.

Kum 2017 September ni 3 a hung hi a khan Satya Pal Singh, Mumbai Police Commissioner lui (IPS,

pawmangpa saw nasepte bung thumnan a pian ah kipat kengbai sa piang. Kelkawt melpha bul ah tempul ah Pathian bia ding ah chiate kiang ah khutdaw ah chu sek pa khan nungzui Peter leh Johan te kiang ah thilpiak kinem ah a etzing lai in “Kei uh ei hun en in a tiu a. Peter in, Dangka leh sana ka nei puai, ahin la, ka neisun hun piang ka; Nazareth Jesu Khrista min in ding dawk inla lam zawt tan... A kichawm dawka ah, a hung ding ah, lam a hun zawttai, chun chia kawm ah kichawm in, Pathian a pak a, tempul achun a lut khawm tau hi. (Act 3: 1- 8).

2. Lemguattu/mihiltu (Counselor).

La phuak tun “Aw Lalpa la lemguatte hi, Mihiam a dingin mak tak a hi... La lemguat gualah umte chu, Nangma’n akiang un thu la gensek thamuanna bukim la piak.

Pathian chate hi ama lem ei guat piak hi ding leh hilo ding kal ah,

sep ding leh seplo dingte, hiat chian a pawimaw ma ma hi. Thuthung lui ah leng Saul kha Pa Pathian in a melmate that chimit ah gallak van bangma la lo ding ah lem aguat piak lai in a man leng Azag a hing ah pui in bawng chal thau hawipen pente halmang thil lat ding ah a hun puak kha Lalpa Pathian in a pawm ta pua, a lung hing nasan a paithak piak ahi kha. (I Sam 15:1) “Samuel in Lalpa’n a thu matsang ah halmang thilpiak leh kithawina kipakpi zaw ahem? Ahipen chu kithawina sang in thumat a phazawn a thu ngaisak chu belamchal thau tak piak sang ah le phazaw ma ma ahi. (I Sam 15: 22).

3. Pathian hat. Deut 10: 17

Lalpa la Pathian uhi pathiante zosia chung ah Pathian, lalte zosia chung ah Lal, Pathian chungnung pen, hat leh lau um tak, kuama dawichuam diak nei lo leh, mi zosia chung ah a thil hi dung zui ua vaihawmpiak ahi. Chun Lalpa Jesu jawlnei ten a gen

lawk gual ua khawvel gitlo tan ding ah amat guat lai ua Rome sepai ten a va mat ding ua khan, aman kua hawl la hui em tin a dawng ah, amau in Nazareth Jesu a tiu ah, aman zia chu "Kei hi ka hi" a ti khan a kinung chawn ua a puk tau ah. (Jn 18: 4- 6). Sawlchak Peter in "a hun tak a hun chawihawi theina ding in , Pathian khut hat tak nuai kikawin niam un. La lungkhamnau zosia ama chung ah septhau in, ama'n la khan khua ding uh a gel nai. Pilvang tak in chingthei un, la melmau diabol chu sakeibaknei kitum gual in a nek thei di hawl in a vak vel vel hi. (I Pet 5:6- 8). Sawlchak Paul in" A tawppen in ka suapite haw Lalpa leh a hanta thilhitheina ah chun hat tak in um un".(Eph 6: 10).

4. Kumtuangpa;

Lalpa'n kumtuang kumtuang in vai hawm di ahi. (Exo. 15: 18) Ding unla, Lalpa I Pathian uh chu kumtuang ah kipat kumtuang in pakcha tau in, Lalpa la min lopi tak chu,

malzawl na leh pakna zosia chung ah chawisan in um ta hen "a tiu ah. (Neh. 9: 5). Pakna laan "Lalpa nang chu suan zosia tiang ah ka umna la hi. Tangte la siam masang leh, khawvel leh lei lung la siam nate kumtuang ah kipat kumtuang tiang in, Pathian la hi". (Psa. 90: 1-2).

"Kelte leh bawngnote thisan hilo in, ama thisan ngei in, Mun thiangtho pen ah chunk hat vei thu lut in kumtuang tatna chu a siamta ahi". "Khrista thisan, Pathian kiang ah melhemna umlou, kumtuang thagau zal ah kilan chu Pathian hing nasep thisa ah kipat chun, a sia leh pha hetnau chu Pathian hing nasem ding in, banggual bep in a hithiangtho zaw ta bep diam!" Ziziakchun, ama chu thuthung thak palai a hung hita'n. Thuthung masa nuai ah bawsiatnate kipat kote chun kumtuang goluana thutiam chu a chan theina ding un, a thina chun a tandawk tai. (Heb 9: 12,

kha chu Jesu Khrista chu kahi ta mai hi. Khraws gik ka put lai a khan ka dakgu kha a kipel a, panpitu kako leh lem changing eingai ua, zialai tak a khan pneumonia kavei bawk hi. Ka lemchan tawpni a khan tek in eisepbawk a, ka lungchangkha operationkahi.

Chuleh Rome sepai khauhual ah eivawtute khale Italy mi sappau thiamlo a hui ah, thu kigen hekimlo chun a tak tak in eivau a, thik 14 inch vel chu kanung zang a hin a chu ahi. Ka chan sung zosia khan ka pauchapna nasa, Khraws pukawm ah kapuk lai a khan ka dakgu a kipel bawk, ka pneomania zia ah ka awm lam a hung test ua, Doctor chun Mel thi thei dinmun a hi a tia, Mel chun ngaidan ei dong ah, sunzawm di kati ahi. Kalvari tang katun ua khan gawpi hupi a hung nung ah tek in eisep nalai ah, ka taksa chu a chau ma ma hi. Maleh Mel chun a takgual ah a lat lai

ahi zia in chiazal kha a dawi khawpmai. Khraws lek a ka um lai a khan huipin a hun mut ling leh ka dak gu kha a pel sek a na ma ma ziang ah, ka lemchan kha thaw kawm hilo in a tak ah ka hinna khat hi dingin ka kipedok ahi. Zia film ka chan sung zosia hin Pathian chu keima a hina hung um a hi. Zia film ah chang dangte khan le Pathian experience anei ua, a hinkhuau a kitheng ahi.

Juda Iskariot lem changtu kha le atheist ahia, tunchu Pathian a pawm tai. Rome sepai lemchang pakhat khale Muslim ahia, a kap ah ziapat a chun, Pathian a pawm tai. Zia film hi paisa zia kin a hung changua, maleh a film hin a hinkhuau a theng danglam sau sau uh a hi. Zia movie ka chan apat hin pauchapna kangai pawimaw ta ma ma ah, zia movie hin keima hinkhua le a theng danglam a hi.



KHRISTA ZIAK AH DANGLAM NGAM

Rev. S. Lama Vaiphei
Co-Ordinator

The passion of the Christ film ah Jesu lemchangtupa Jim Caviezel chu zia film hi a minthanpi a diam I tileh a mualphopi zawk ala hi. Aman agen na a chun, “2004 kum ah *The Passion of the Christ film ah Jesu lem kachan ziak a khan film industry ten eiensan ua, Hollywood outcast kasuak tai*” a la ti ahi (May 3, 2011).

A thiltuak hi hiatlawklo ah a tuak ahi puai. Director Mel Gibson chun lemchang ding ah a sawmlai a chun Hollywood film star hung minthang pan pan ahia, maban kinep um tak a hi. Gibson chun Jesu role ah chang ding a hin ka hung dawî a, maleh zia film hi la chan chun film dang ah channa ding muzo ta khel puan la ti a hillawk ahi.

Ama Jim a dingin in le thil huphul um tak chu hingei ding ahi. Maleh ama hi gingtu phatak, “*Ei hi hatpa Khrista zâl ah chun bangkim bawl thei ka hi*” (Phil 4:13) a Bible chang dawî pen a hi thu gen in Gibson kiang a chun Jesu lem chang ding a chun

thupukna a siamthu a hiatsak hi. I lengua hin mani khros kaput chiat ding ah ko I hui a, I put lo a hileh a Khraws chun ei suse ding ahi ti in, ka min lamtawi hi JC ahia, kakum le kum 33 ahi. Jesu kha le a min Jesus Christ JC ahia, kum 33 ahi ah a thiltuak kha chang ding ka hi a ti tai.

Danglamna ga chu:

Ka lemchan hi a tak pholang thei ding pen in pan ka la. Ka thiltup pen chu miten keima kha ei mu loin Jesu kha mu leu ti katup ahi. Khatvei chu Mel Gibson hin Pathian min kha uang deu tak in a lam in ka hia, “*ka pa min tempotin sua kin*” ka vak tia, zia film thaw sung

14, 15). “Jesu Khrista chu jani leh tuni leh kumtuang in a ngai ngai ahi zing h”. (Heb 13 :8). “Hepina zosia Pathian, a kumtuang lopina chang ding ah hun kopa ngei chun, sawtlo la thawk zawphat ualeh hun tung ding in, hun hidet in, hun hi hat ding hi. (I Pet 5: 10). “Hiatsakna chu zia hi ahi; Pathian in kumtuang hinna ei pia ta'n, zia hinna chu a chapa ah um ahi. Kuale chapa nei taphawt chun hinna a nei un, Pathian chapa nei lo taphawt chun hinna a nei puau hi. (I Jn 5: 11- 12).

5. Cham Lal Chapa:

“Ziaziakchun, ginna ziak ah thiamchang ah um in. I Lalpau Jesu Khrista zal in, Pathian tawh kicham in i um tau hi.” (Rom 5: 1).

“Ama chu a taksa kochuamte luchang a hin, bangkim a chungnungpen a hung theina ding in bulpi, mithi lak ah piang masa pen chu ahi. Chuleh ama ziak ah Pathian in bangkim tawh kichamna a nei chu a lunglam tak hi, lei chung ah um hin, van ah um hitaleh, a Khraws thisan ziak in kichamna a hun siamta ahi. (Kol 1: 18, 20). La phuaktu'n “Chamna Lalpa a piang Bethlehem ah” “Jesu tunin ka lunggil uh bawng in ah,

Lal ding un; zia la te hi lim tak in Khristas hun in i sasek ua. Sawlchak Johan in “Kuale Pathian ah piang chun, Pathian chi ama ah a um zing ziakin gitlo a bawl zing ta puai.” (I Jn 3: 9). Siamtu dawî tak Lalpa Jesu zal in Pathian tawh kichamna la nei ta em? La mihing chanpite tawh le la kicham ta em?

Dawitakte haw, kihepi tua chiat hitiu, hepina hi Pathian ah ah piang ahin, Pathian chu ahiai. Lalpan a thu mang dik zing ding in ei malzawl piak ta hen.





LALPA LEMGUAT DAN SÛTPHÂK GUALLO

*Upa Thualkhawlian,
Lamka Pastor Bial*

Hepina ziaakah tadawna nasep Pathian Programme puanlatna Gen 3:15 pasan in gen hi tiu. Khenkhat a dingin i la chângpan lo lam tak uh le ahi mai thei hi. *Genesis 3:15 Lalpa Pathian chun gûl kiangin, "Nang leh numei hun kidosak ing ka, a ma suan leh nangma suan le kidosak ing ka; Ama'n la luchang vawthidup intin; nangin a akkhawmit chu thidup in la" atia.*

"Ama'n la lu-chang vawthidup in tin" ti umzia tak chu, Setan thuneina chuan gâwp dingin Numei Hin(Suan)ah kipat Mi a hung piang ding thu a taklatna ahi. Ama'n ti thumal hih Sappau Bible ah chun her offspring ti in a gen hi. Ama'n ti umzia chu Khrista (Messia)a tina ahi. Zia thu hi Jesu Khrista pian ding thu Bible ah genlatna masa pen chu hiin a kilang.

Pathian in a Mission lûtchilh ngal ziang lo in, Mosi kiangin Dân giksak takmai Gan thisan ah_sual sim ngaidam kithawina chuh patdaw in a um

masa phot hi. Gan thisan ah kithawina meikhu chu chung lam ah zâm to ngainguai ziang sek maleh Setan in lunggil-ngaituana lam ah alah tingtan sek ziaakin, simna tak tak A TAK GAM a tung thei pu'a'i. Ziaziakchun Pathian in a misiamte a vak en a. Diabol thepna ziaakah kumtuangah Thagau thina a chan mai dinguh chu a ngaingam ma ma pua, a programme duanlâwk chu a hun lûtchilh ta a hi.

Bang ziaakah Pathian in Mosi Dân a kâl ah hun zep lût masa khel khel a diam? Mihiam, suangtuana



1. Ki maichang sal tak ah Pathian huat na leh simmaw na ahi. (Vangam ahem/ Kumtuang gawtmun)
2. Ki maichang sal tak ah soal bawl na lian pen leh Pathian cho na ahi. Lahinna chu Pathian a ahi, hawitak in kepbit leh vengbit piak in, la tuhun hi lahun mantam laitak ahi, a ziaak chu, la tunung hinkhua di la siam pha thei hi. Bang hi ziang ta leh le, soal simlo kei sang in vaigei le apha zawi, soal sim na ding in a vaigei talua a um puai. Hinna lut dan hia dawk chiat thei ding in Lalpa'n ei malsawm chiat tau hen.
3. Chuleh, Thinung ah kilekit/ kokit thei talo ding hinna chu, zalo tak ah tempawt bawl na leh it chalo tak ah ngaikhawk zaw lo na ahi.

Zia gual bawl leh chiing mite chu, Lalpa Pathian in a huat pen, a dem pen leh kumtuang gawtmun chang ding ah athutan khum te chu ahi. (*Such are the person God condemned to eternal damnation*) Gal. 5:21 na chun, zia gual bawl mite chun Pathian Gam lua puan nau ala ti hial ahi.



T h u k h a k n a :
Hinkhua bang chan dai ding ihe paw ngal un, maleh thina chu pumpel thei ding kua ma I um puau hi. Khawi tak in la kumtuang mun ding la siam diam?

kua ma khen chuam umlo in I leng ua, a vawm, a kang, a eng hi ziang leu hin le, Pathian Lîm pua siam vek ihu. Mihing zosia hina kibang leh kituk tang gual tak ah numei leh pawsal in ei siam ahi.

Ahi'n Chanchinpha Matthai 12:36-37 a khan, Mihing te gitlo na ziak in amau nawp thu ngei in Pathian dan chu bawtsian, amau nawp thu ngei in Lalpa vaihawm na ma ang ah ding sak in um ding ahi ngal un, zia phat tak chuleh, Lalpa Pathian ma ang in Kuan thiam a chan sak ta diam? Mitin in I thilbawl te'u chiat uh I kam ngei ua kipuung ding ihu ngal ua, Lalpa ma ang in bang tin I thiam chan na I gen ta diam?

Dr. Ravi in vang zia gual hin dawnhu na ala siam ahi. Zia gual ah Pathian dawilo zawng tualtha na (suicide) chu ala bawl taleng, Lalpa ma'ang in Ka dikna thu gen in ka

thiam chan na di thu dawn ngam puang ka ala ti ahi.

Zia thu apat hin, mani hinna lak a khawk dan ei hiat chian sak in, eima taksa sung ah Pathian hat/hu/hui thakhum hinna chu tualthat ihi zawk dan ei hiatsak ahi.

Thiampu Bu 17:11 a chun, Taksa hinna chu thisan ah um ahidan ala gen ahi. Zia ziak chun Pathian thupiak khautak mai chu, Tual latha lo ding uh ahi, Thisan lasua lo ding uh ahi, chuleh mani hinna chung ngei ahin le thisan la sualo ding uh ahi ala ti ahi. A ziak chu Pathian khutsuak mihing asiam hin Ama bat/pua na Lîm (image) suk buak leh suk pawlche ding chu apha lo ahi.

Tualthat (Murder), Thisan sua (Killing) leh Mani hinna lak (Suicide) hin ngawng (effect) khawktak Pathian thilsiam chung ahin asukha thei hi. Zia te chu:

kipat ah thîl in; A misiamte tatdawnah dingah A chapa hial, chawplehchil ah a hun thichilh mai ding chu ngaingam um lo hial ding da'n a hi. Mosi Dan mangin gan thisan ah sual ngaidam kithawina Mosi Dan chuh a hun pan masa hi in a kilang thei hi. Pathian lemkuat chu Mihiamte hiat phak di gual vâng ei puai.

Tatna nasep: Pathian in a thiltup chu a hun pitin tangei a. Luka 1:4f ah kipat khan, (a chawm lam in) Chapa hung piang chuh Messia (Jesu) a hingei hi ti, puang dawk masa tu ding in Baptistu Johan piang masa dingin a hun guanggal hi. Thiampu Zakaria zi Elizabeth (a chîng) têt nung vuai nungin nau a vop sak ta. Vansawlchâk in Mari kiang in nau vop in la tin, *"chungnungpen chapa ti hung hi di ahi"* (Luka 1:31) ti thu a hil a khan, thu kidang tak mai a chanaunu Elizabeth nau vop tha-6 a tin tâk thu Luka 1:36) le a hil

malam ahi kha. Bangziak? Thagau lam ah a ginna a det semna ding leh Diabol in a lungthim a sukbuai butlona ding in a hi.

Vansawlchak thu gen ziakah chun, Mari'n a chanaunu Elizabeth a va kimupi hi. (I hiat thiam diak theina ding un, Mari'n Elizabeth in nau a vawp ngei nam ti a va prove hi) Hebrai 11:1 *"Ginna hi thil i mu nailote um ngei ah hetchianna ahi"*

Zia hun lai Politics dinmun Bible thiamte sui dan:

Malai hun kha Gam khat leh khat kido leng leng ah khawsa a hui a. Jesu pian hun laivel kha chu:

- (1) Gam a zalen hun lai hi in a sût uh ahi.
- (2) Judate chu Rome sawlkal nuai ah um maleu a Sakhaw biaknau sukbuai piak ei puai.
- (3) Rome gam awptu lian pe'n (Emperor) chuh Kaisar Augusta a hia. Juda gam awptu Governor chu Herod ahi.

- (4) Pau leh hâm thu ah, pau chuam chuam thaw chengkhawm hi ziang maleu; Pau tualleng pen chu Hebrai pau a hi a. A common Language uh ahi. Zia ziak chun, Chanchinpha puanzakna dingin kawt lian tak a kihawn hun a hi tî'n a gen uh a hi.
- (5) Juda te'n Messia a ngâkla nau, a nasat diak hun ahi kât hi.
- (6) Jesu Khrista pian hun hi Kum-50/100 in vaigei kha taleh chuh Judate hih A chenna gam teu Sakhua'n a lungthim uh a tam zaw thunun man dingin a gingchau a hi. OR force ah sakhawbiakna sân danglam piak ahi kha thei uh a hi. Ziaziakchun, BC-4 hun lai ah Khrista hung piang chuh a hun tak hi in a sût uh ahi.

Isai bung-9 in a gen gual in; Khrista hung pianna champha hin:

- (1) Lungdongte a dingin -

Kinepna thak

- (2) Basam leh chaute a dingin - *Hatna thak*
- (3) Lungthim doilokte a dingin - *Hangsanna thak*
- (4) Lungngaite a dingin - *Thamuanna thak*

Tuntû hidingin i lunggil lam kawt Ama lam ah hawng in Ama a lah lawp hi tiu. Zia hun lopi tak mai chu, banggualin i mang awm ti vang i gen chian thei puai. Mimal/ Inkuan/Pawl ah Luai siam i um tâkinle Birth Day luai vâng ei puai ti hei tî'u. Khrista Luai, Lunggil lam ah Chibai bûkna luai ahi. Lalpa'n a thu i genlatte i hiat thiam dingin mal ei zawl piak ta hen. Amen



sek ihi diamuh? Ngaitua na thu'ktak a sukha hi, a thinung ua thagau lam hinkhua chawldam na Vangam a mu na diam uh? Kinial buai na (Controversial) tamtak a um thei hi.

Etsak na'n, Kochuam sung ahin, mi fel tak tak ah ila ngai sek teu, Kochuam leh Bial Lapawl ah active member ala hi, lawi leh hotute dawisak na chang mifel ma ma khat chu ngaizawngtu in aphatsan na ziak in mani hinna lata leu, bang gual ah a thagau lam I gen piak thei ta diam? Chuleh, kochuam ah ila kisuan pi ma ma a tek-khun tiang ah kochuam mi le sa (member) hina pawimaw tak ala hizing lai chun, sungkuan buaina ziak ah hinna ala su mangthai ziang sek te hin bang gual ah sukdam theilo beliam nei ahi diam uh ti hiat nawp a um khawpmai hi.

Zia chu ahi zing lai in khawvel ah Khristian

sung ah kochuam chuam chuam leh denomination chuam chuam khen khat ten zia gual din mun ituak phat leh Kochuam member khat hina zal ah Pathian dawi dan leh kochuam te dawi dan chu zut mam in, vangam khua leh tui hi na chang ding in ala thawt to ziang sek uhin, dik isa sek na diam uh aw? A thagau lam khankhua di ngaitua lo theilo ahi ngal in, zia gual thil paw tak akhawi uhin Lungthim ah suanguana tamtak um thei in ah. Khristian Apologetics (Ginna det dinpitu) pakhat Rev. Dr. Ravi Zachariah (L) kiti pa chun, dawn hu na apiak hin, I dawtna te'u ei dawn zang khai piak thei diam vak thil hitiu.

Rev. Dr. Ravi Zachariah gen dan in, Mihiam hinna hi Pathian thil thawn piak lak lak ah thupipen leh lopi pen hi in alagen hi. Zia hinna chu nang leh kei in I ven bit ding leh phatak cha I etkawl ding in ei pia ahi. Mihing

HINNA LUT ZIA / VALUE OF LIFE

*P/P H. Lamthianmuan
Panglian Pastor Bial*

Mihing hinkhua lutzia leh umzia neitak ah siam i hi dan uh, i Bible in ei gen piak ahi. Thilsiam thu apat a Thupunan daw tiang chan in, hinna (Life) lutzia leh mihing hinna (soul) hi thilsiam zosia leh ganhing chitin te sang ah lul zaw leh ngai pawimaw zaw ahi dan imu thei ahi. Value of Life ti hin, Hinna lutzia leh hinna lul dan ah te'in, te'na sang pen pia in I ngai pawimaw diak ma ma thei ahi.

Zia hinna (life) chu bang zia ah ingai pawimaw ma ma ahi diam? Thilsiam Bu 1:26 a khan, Mihing hinna bul patna chu Pathian Lîm pua siam ihu. Khristian te gindan ah mimasa pen chu Adam ahi. Ama ngei kha le, Pathian hat/hu/hui (breath) thakhum zia ah mihing ahung chang hi. Adam tisa sung ah Pathian hat/hu/hui thalut zia ah Mihing te'n hinna I nei khawlaw uhi. Zia hinna hin, taksa (body), thagau (soul) leh lungthim (mind) anei a, Pathian apat thilthawn piak lopipen ichan uchu ahung hita ahi.

Hinna chu Pathian apat idawn uh ahi zia in, anei tu leh a thuneitu pen chu Ama (Lalpa) ahi mai hi. Mihing te hin ihinna chung ua thuneina leh sukdanglam theina bang ma inei puau hi. Zia zia chun Pathian in hinna hi a ngai khawk ma ma leh angai pawimaw ma ma ahi. (God is so much serious about our lives)

Aleh zia gual ah hinna lut zia leh alopi zia heta ngal ah bang zia ah tulai khawvel ahin, a tek, a khang in mani mimal nunna/ hinna-la (suicide) in tual that ziang

KOCHUAM UPATE HI

*Rev. R. Lalhmingsanga
Administrative Secretary*

Thumapui

Kochuam upate hi Thuthungthak Kochuam ah Sawlchakte hin angaisang khawp ua. Minalan sangina leni ah chawihawi tâk ah ngai hi hen tiin Paul chun a la gen hial hi (1 Tim.5:17). Sathaunu nasepna ah sem ahiu a, Pathian panpina le a dawng ma ma ui. Pathian Thagau Thiangthoin a panpiah, Pathian kona dungzui ah kochuam etkawlna kipia takte hi chu taksa leh thagau ah nasa takin mal a sawm sek hi. Pilna te, thawkzawna te, taimatna te, dawtheina te, vaihawm thiamna te Pathian in a piat. Tulai hun tiang inle zia gual chu a takin mu ding a um zel hi.

Damsung ah pang dingin upa i tel:

M i z o r a m Presbyterian Kochuam hin Kochuam upa pension hun siam ahi pua. Teldaw ahi uapat a damsung siau chu i upa teu ahi zing mai ui. Kochuam dan mumal leh chik tak ah teldaw ahiu a, kikhawmpi ulsun takin lopi takah a namdette ahi zia un Pathian sathau nu ahiu. Ziakiakchun sathau nu ahi nau hi i zâ ah, i ngaisang uh ahi. A dam sung siau in upain i pawm ah, a thi unle hun haksâ takin ei

tunkhum ahilo nak chun Biakin ah i vui hial sek ahi. Veng tin ah mi zaum a kai ua, i ngaisang un zana sang tak i pe sek uh ahi.

Amavang chu, Sam 90:10 ah mihing dam sung kumte chu kum 70 a hia, hanta zia kin kum 80 le ahi thei tiin ei gen hi. Kum 70 chung lamah chun mihing kuale i taksa ahato ta puai. Midangte â dingin aki phachuam thei tak tak ta puai. I upateu haw hile kum 70 chung lam chu a lungthim u leh a kipiaknau

thuk tak hiin, taima mama ziangleu le a hatlai uh hunah a hithei uh tam tak a hithei vek tapuau a, Kochuam a dingin mantamtak himaleu a phatchuam nau a nep tiat tiat sek hi. Kochuam memberte vang chun I ngaisang zingua, a huntawp tiangin I za mama sek ui tawp.

Kochuamin Upa khangthak deu I pawimawu:

Kochuam memberte hindan hi a tillai tawh tulai hun a hin a kibang talou khawpmai hi. Khangthak lehkha thiam sang tak tak a tam ta, mipi nekhawlina chi chuam, kibanglo tak tak a tam ta. I sum etkawl la a tam tiat tiat a, account etkawl thiam I pawimawna a sâng deu deu a, khangthak lehkha thiam i mamawna a sang deu deu a. Kochuam lekha hunglut la a tam ta bawka, Kochuam chetvelna (activities) le tuma sanga khan tampi ahi ta. Ziaziak chun Kochuam secretary na te hi minaran pangai sepding chun a haksa ta khawpmai hi. Kochuam

member le khawpi sunga ah vang chun a tam ta mama a, tuma I la hiatngailo sualna chuamchuamin mipi hindan a subuai nasa ta khawp mai a, memberte ngaihsak na lamah hin panlak akul takzet hi. Ziathil chuamchuam ngaitua hin Kochuam hin Upa Khangthak deu, , lekha thiamna lamah le mi lak tak deu I pawimawna a sâng ta mama a hi.

Mizoram Kochuam chun mun tam takah Kochuam upa dinga hin khangthak deu, lekha thiam deu, midangte a dinga kipe tam thei ding hi telzawk a ching ta khawp mai ui. KKP puitu hizinglai tual upa in atel ua, term khat sung tual upa ahi chun Kochuam upa dingin atel kit ua, Kochuam a dingin a pha mama ahi. KKP a kipat a Kochuam chiadan a tak a hechianta hi Kochuam chiadan hesa ahiu a, Khangthak hindan/ khandan hesate ahiu a, minute record leh sumlam etkawl te a thiam bik ua, kikhawmpi leh Kochuam

Lal Jesu hi malzawlina ei petu ding te in, ei sudamtu dingte in, van gam a ei puitu dingin i dawi ma mau ah. Himaleh, Simon gualin i dawi uh i nei zaw nung tak uhleh a ma â dinga bawl awm leh bawl ngei dingte le i bawl pei ta sek puau. Jesun numei pakhat hunglut a la pachatna ten chu a hileh a chung a bawl theitawp a bawl kha a hi. Jesu hi bang gual tiangin hem i pawimaw uh, i hinkhua leh i insung ua hin bang hung bawl leh i tiu em? Malzawlina ei vuk hen la, chia kit mai leh ti tam khawp i um mai diam uh maw? Jesu hin i hinkhua uh leh i insung un tun a ut ah, malzawlina le ei pe ut hi, ziagual a chun a chung a i bawl ve ding uh le phataka bawl dingin ei kineppi a hi.

Khawvela mi lian leh mi lopi te tunsak dingin i tit paw ma ma ui, ziagual mite chu i in un tung le tung ut puan au. I in leh lo te sit um sa, tunsak zolo ding a kingaitua pawl tam zaw ki hin a. Alotheilo

a tunsak di a hi in le, i theina khel ah nasa kisingsa le um dingin ginchak a um hi. Lal Jesu tunsak dingin chu i hina dan dan i nei dan dan hi a huntawk hi, banggual a khawsak haksa hima leu hinle, a ma lawp tute a tunkhum mai a hi.

I gitlo ziate, i genthei ziate, i mawl ziate hin i in un tun di a nuamlo diak puai, lunggil taka i lawp ua, i tunsak uh a hi chun taksa leh thagau ah lawkpi zaw ding i hiu. A in a tunsak ve mai, a ma ngaitua manlo, a ma dinga hun nei man diaklo i hiu chun, ei tunchil sawt puana. I sungkuan vaihawmsak in, i hun teu a ma biakna dingin pe phalin, i inkuan ah thamuanna leh limna, taksa leh thagau a damna chang ding i hiu. Lal Jesu tunna in hingei dingin, i in leh i thinlung teu hawng chiat hi tiu.

Pathianin a thu malsawm ta hen . Amen.



in a kipak in a phur khawp mai, Jesu a tun theilo di thu a gen puai, mizosian a gitlona thu gen in phun sausau maleu, a hatlona leh a titlona te chu Lal Jesu nol nan amang puai. Lal Jesu'n a ina tun di a dawt gual takin limtakin a tung mai a hi. Lungthim kihong taka Lal Jesu a tunsak ziak a khan testimony lopitak a nei ngal hi. A testimony hin sum bawm a sukha, mihing thilna a pat a chun sum leh pai tam tak a ch n pha, a sum kimkhat gentheite kianga piak a tiam a, a la lepguk sa zosia khale a le li a dit a kitiam bawk hi. Jesu'n le Zakai in ah chun hukdamna a hung tung tai a ti hial ahi. Zakai pianthakna hin a ma hinkhua bep hiloin, midangte a ding a malzawlna a chunkhawm a, a pianthakna hi aman gen gen lo maleh, a umdan leh thilbawl ah a kilangdawk vek hi. Ziagual taka Lal Jesu tunsak dingin kisalawk chiat hi tiu.

Simon in ah Jesu a tung: Jesu tunna in dang kit chu a hi leh Simon, phak Jesun

a sukdam kha a hia, Simon inah kipak thugenna luaithe le ahi maith i ui. Maleh , Simon in Jesu a tunsak dan etin, Jesu Khrista hi a ngaisak beklo hiin a kilang. A hunlai a malzin tunsak dan gual leh a la bawldan gual tak un a la bawl puai. Jesu le Simon bawldan hi lungawizolo in a zilgai hi. Simon ina a um lain numei pakhat thilbawl chu, Jesu'n pakcha kawmin Simon hilnan a mang hi, Simon kiang a chun, Zia numei hi la mu em? La inah ka hung lut ah, ka kengsilna ding tui lei pe pua, a ma hin chu a mitthitui in ka keng a suchek a a samin a thiak a hi. Nangin lei chawp pua; a ma hin chu ka hung lut a pat in ka kengpek chawp a hai nai puai. Nangin ka lu sathau la nu pua, a ma hin chu ka kengpek sathau gimtui in a zut hi atia.

Simon hin a in ah Jesu chu a puilut ngei mai a, maleh, Lal Jesu dawigual bawl a gaw diak puai, Lal Jesu'n a la sukdam ziaka tunsak ve mai hiin a kilang.

aiawha palaina pawimaw chuamchuam ah a kipiaknau ahawi chun a semdawk tamthei ua, Kochuam puitu dingin a dawium chuam bik mamau a hi.

Kipiakna thuk tak nei hi Pathian Kochuam te pawimaw masapen a hi ngei mai hi. Kipia ngal ngal a kum upalam sangah chun Khangthak lekthiam kipia zawte hin thil ahi thei zawu a hi. A hiatnau leh a hitheinau a tam zia kin Kochuam mipite a dingin a phachuam bik uh a hi.

Timothi kha le Kum naupangcha a hi laiin Kochuam enkawltu a dingin guat a la hia. Paulin "La naupanna kuaman ngainep kihen" a tia, a kum a naupan vangin miten a ngainep dinguh a phal tawplo ahi. Thugen lamah te, chetzia lamah te, hepina lamah te, ginna lamah te, thianthona lamah te gingtute kawkmutu hi dingin a ginum tawk mamau a hi.

Manipur Area Kochuam te hin le Tual Upa leh Kochuam Upa dinga hin Khanglai kum 35 a kipat kum 45 kikal vel a mi hi tel nachang kihe henla, I upa senior te dawnzang khai ding le nasepna bak chuamchuam ah nasem dingin I pawimawnau a lian takhawp mai hi.

I upa seniorte hi Kochuam a dingin a mantam ua, i ngaisang ua. A lul zel uh a hi. A mau dawnzangkhai ding leh Kochuam nasepna dinga i pawimaw zia kun Khanglaite laka mipha leh mifel tam tak i neiteu hi tel nachang i hiat uh a hun takzet ta a hi.



JESU TUNNA TE

-Rev. C. Lalngaihawma
ilc Sugnu Pastor Bial

Luka 10: 38 Chun, achiau a, khua pakhat in a lut a; ziatak ah chun Martha kiti numei pakhat In ah a lut a,

Luka 19: 5-7 Zia mun chu Jesu'n ahun phak phatin a dak, a kiang in "Zakai, hung kum kingangan, tu'ni hin la In ah tung ding ka hi," a tia.

Luka 7: 44-46 Chuleh, Numei lam chu a nga, "Zia numei hi la mu em? La In ah ka hung lut in kengsilna ding tui lei pe pu'a'n; himaleh, ama hin a mitthitui in ka keng a sil ah, a sam in a thiak hi. Nang in lei chawp pu'a'n, ama hin vang ka hung lut ah kipat khan ka kengpek chawp a hai nai puai. Nangin ka luchang le sathau la nu' puai; ama'n vang ka kengpek sathau gimtui ei nu'piak hi.

Lal Jesu'n khawvel a nâ asep lai khan, tunna in chuam chuam nei a, zia a tuna te chun banggual in ala lamtuau a, a in ua a tun ziakin a chung ua banggual thil a tung em tite, bang ti gual a Lal Jesu tunsak di ihu em ti gen i tup uh ahi.

Martha te inah Jesu a tung hi:

Lal Jesu hin a tuna ding a innuam leh khawsak nuam te tel chuamlo hi in a kilang. A tunna in pakhat chu Bethani khua a Martha

tein ahia, unau pathum Martha, Mari leh Lazar te ahiu a, tisa thil a chun Inkuan zaum tak a hi khel puau. Himaleh, a tunnate chu a kihawng ma mau ti i mu thei ui. Martha te unau hin malzin et ah en loin tin uh, a lungawilonau leh a vui thu teu a kiang a a gen un, Jesu'n le dawisak takin a la ngaitua piak sek hi. Lal Jesu a va tun khan, Mari chu Jesu kengbul ah a thugen ngaitha in nuamsa takin a um a, a malzin pau kha a ngai pawimaw in, a

ngailul ma ma hi. Martha in vang a nek leh chak diu a buai in, Jesu kha a ngaitua man kei puai, a suapi nu in apanpi lo ziakin Jesu kiang in a vui hial a hi kha. Jesun Martha kiang a chun Martha, Martha, thil tamtak langaitua a buailahi, thil pakhat bep a pawimaw hi; Marin chanpha a tel a, zia chu sukbuai ding a hi puai," a ti a hi. Lal Jesu'n a ma buai in manlo zen a, thil danga buai mai kha thil bawlphe zaw a ngai puai. I insungun Jesu i tunsak sek ngei ding ginchak um, a hin la, a ma buai in manlo a thildang buai in hun mangzo mai i hi kha ding awm? Khenkhat in i tunsak ve sek un maleh, i malzin pau hi hepha ngaisek lo hi in a lang, a ma biakna hunte hi i neiman mangpuau a, kuama ngaisak loin i malzin pau i taikhel maisek ui. Malzin na ah a innei ten ei ho ut beklo ua, i um lam le hialo khawp a um uh chun kiphatlam um in a nuam paw ma masek hi, sawttak cham hi a nuam him him puai. Jesu'n a

tuna cheng a vaihawmtu hi a ut a, mimal hinna leh inkuan nun a pang thei loin i siam sek uh em? Tuni a pat in i mimal hinna leh i inkuan khawsakna ahin Jesu tung thei ding chial hitiu, aman a dawidan taka vaihawm thei ding zin zalenna pia hi tiu.

Zakai inah Jesu a tung:

Lal Jesu tunna in dang kit chu vantang in a ginchaklo na deu mai uh Zakai in ah a hi, Zakai inah Lal Jesu a tun khan a la mu ten, "Migilo in a tung ding in a lut tak saw," tiin a phun nasa khawp mai uh ahi kha, Lal Jesu khan miten migilo a ti teu khale a kiheisan mai pua, a pawimaw hun a chun migensiat le huamin a tunchil ta maisek hi. Zakai in Jesu kha mu a nuam ma ma ah, amu ngei thei nan theichang kung ah a kal hial a hi kha. Thinlung taka ama mu nuamte Lal Jesun a hemil puai. Zakai kiang a chun "Zakai, hung kum tha kinin; tuni hin la in a hung tung ding ka hi," a ti a hi. Zakai in zia thu chu ahia